

Oleh Nurul Sabrina
Jamali
am@hmetro.com.my

MENANTI RUMAH PPR DBKL

4 surat rayuan dalam 11 tahun

(17.07.2023) mmm, p2, p3

Kuala Lumpur

Ramai yang menunggu giliran untuk memiliki rumah Projek Perumahan Rakyat (PPR) Dewan Bandaraya Kuala Lumpur (DBKL) namun masih tiada rezeki sehingga kini.

Bagi Nor Azura Md Rosdi, 34, dia sudah memohon dan menunggu untuk memiliki rumah PPR selama 11 tahun namun permohonannya masih belum diluluskan.

"Saya memohon PPR DBKL ini seusia anak sulung saya yang kini sudah berusia 11 tahun. Namun, masih belum ada 'sinar' daripada DBKL.

"Suami dan saya sudah menghantar empat surat rayuan namun status permohonan kami tetap masih dalam senarai menunggu," katanya kepada Harian Metro.

Menurut Nor Azura, jawapan diberi pegawai yang menguruskan perkara itu tetap sama.

"Pegawai berkaitan memaklumkan yang kami perlu menunggu giliran dan sentiasa mengemas kini status permohonan, semua itu kami sudah laksanakan," katanya.

Sementara menunggu giliran dipanggil, Nor Azura dan suami menyewa rumah kos sederhana di Sungai Besi pada kadar RM700 sebulan.

Tambahnya, dia suri ru-



Jika menerima PPR DBKL, ia pasti mengurangkan beban kerana kadar sewanya berpatutan"

Nor Azura

mah sepenuh masa dan pendapatan kasar suaminya yang bekerja dalam bidang perhotelan ialah RM2,700 sebulan.

"Dengan kadar sewa rumah yang tinggi, saya perlu menjana hasil sampingan dengan menjual sambal ikan bilis garing dan kuih sejuk beku. Ia digunakan bagi menampung kos perbe-



Saya memohon rumah sejak belum dikurniakan anak hinggalah kini saya sudah dikurniakan dua anak"

Nor Fareza

lanjau dapur dan keperluan untuk anak-anak.

"Dua anak akan mula bersekolah tahun depan selain seorang lagi perlu dihantar ke Taska. Kerana itu kami perlu berusaha menambah pendapatan.

"Jika menerima PPR DBKL, ia pasti mengurangkan beban kerana kadar sewanya berpatutan manaka-

la wang lebih boleh digunakan untuk perbelanjaan lain seperti untuk anak-anak," katanya.

Menurutnya, dia melepasi semua syarat yang dinyatakan ketika permohonan PPR, lebih-lebih lagi dia juga dalam kalangan B40.

"Saya sentiasa berdoa dan berharap permohonan kami diluluskan," katanya.

Seorang lagi pemohon, Nor Fareza Razali, 31, berkata, dia sudah memohon rumah PPR DBKL lebih daripada lima tahun, malah pernah ditemu bual pihak berkaitan namun masih tiada rezeki buatnya hingga kini.

"Saya memohon rumah ini sejak belum dikurniakan anak hinggalah kini saya sudah dikurniakan dua anak, dengan yang sulung berusia lima tahun.

"Sepanjang tempoh permohonan, banyak kali saya cuba buat permohonan semula namun hingga kini, masih belum diluluskan," katanya.

"Saya berharap pemohon seperti kami yang sudah lama menunggu selain berpendapatan rendah, dapat memiliki PPR ini," katanya lagi.



RUMAH PPR menjadi idaman golongan berpendapatan rendah ekoran kadar sewa yang berpatutan.